

MEDICAE FACVLTATIS DECANI

HERMANNI FRIDERICI TEICHMEYERI

PHIL. ET MED. DOCT. ANATOMIAE, CHIRVRGIAE ET BOTANICES
PROF. PVBL. ORDINARIJ, SERENISSIMORVM SAXONIAE DV-
CVM VINAR. ET ISENAC. CONSIL. AVL. ET ARCHIATRI ACAD.
IMPERIAL. LEOPOLD. CAROLIN. AC SOC. SCIENT.
REG. BORVSS. SODALIS

PROGRAMMA INVITATORIVM

DE

RHYTHMIS BASILII

VALENTINI

NONVM

DISSERTATIONI INAUGVRALI

DE

MORBO CASTRENSI

EPIDEMICO

AB INITIO VERIS ANNI MDCCXXXIV. AD ANNVM
VSQVE MDCCXXXV. IN CASTRIS AD RHENVM
ET IN VICINIIS GRASSATO

DIE VII. IANVAR. MDCCXXXVI.

HABENDAE

PRAEMISSVM

IENAE FESTO CIRCVMCISIONIS CHRISTI.

LITTERIS MVLLERIANIS.

THE UNIVERSITY OF CHICAGO

LIBRARY

1010 EAST 58TH STREET

CHICAGO, ILL. 60637

TEL. 733-4331

DEPT. OF THEATRE

1200 UNIVERSITY DRIVE

CHICAGO, ILL. 60607

TEL. 733-4331

CHICAGO, ILL. 60607

TEL. 733-4331



N programmate octavo a nobis
ostensum fuit, quomodo Chemi-
corum Naphtha ex Oleo vitrioli
& spiritu vini rectificatissimo ela-
boranda, & per digestionem &
destillationem impetranda sit.

Naphtha Chemica vocatur, vel arte facta; ac
ita distinguitur a Naphtha naturali, sponte ex petris
scaturiente, cum qua tamen diversis in proprietatibus
notabiles habet convenientias, id quod ex sequentibus
clarius patescit.

Naphtha, tum Babylonica, tum Italica, ducatus
scilicet Modenensis, optima rarissimaque inter bitu-
mina fluida, sunt validissimi odoris, quem etiam Na-
phtha Chemica, præ multis aliis remediis, spirat, &
quidem penetrantissimum.

Omnis Naphtha Oleum est & aquam supernatat;

& licet Naphtha Chemica spiritus existat, nihilominus, super aquam effusus, cum ea non confunditur, sed summam aquæ altitudinem evidenter occupat, five, quod idem est, supernatat.

Porro Naphtha Babylonica inter alia id sibi proprium habet, quod paulo remotam flammam quasi attrahat seque ipsam sponte sua accendat.

Naphtha Chemica quoque, a flamma candelæ admota, illico incenditur, & tota per tenuissimam consumitur flammam.

Hæc Naphtha in se continet subtilissimum principium phlogisticum, tum olei vitrioli, tum spiritus vini; ab acido vero penitus nondum est liberata.

Interea, cum de subtilissimo atque volatili olei vitrioli acido participet, odoremque spiret ad instar sulphuris accensi, commodissime misceri potest cum spiritu tartari & spiritu theriacali camphorato, ad componendum bezoardicum illud notissimum, quod alias simplex salutatur mixtura.

Quo vero impetretur hujus Naphthæ Chemicæ spiritus subtilissimus, elasticus, æthereus & dulcis, acidum, in eo adhuc contentum, sequestrandum & extinguendum est, quod additione alcalici cujusdam corporis fieri debet.

Ejusmodi alcalicum esse potest sal alcali commune, imo sal tartari, vel calx viva, sponte in aere extincta, atque in pulverem inpalpabilem resoluta. Hocce corpus terreum illico acidum recipit & in destillatione detinet.

Reci-

Recipere ego consuevi calcis vivæ, in pulverem resolutæ, partem unam & Naphthæ Chemicæ part. VIII. vel IX. aut X. Calceque infusa in retortam, & mundificato a pulvere rostro, per infundibulum addo Naphtham Chemicam; post hæc Retorta, ad dimidium fere ita repleta, immissaque in Catenum arenarium, adapto huic vas recipiens majus, & exacte lutatis commissuris, igne moderatissimo destillationem non tantum incipere, sed & absolvere soleo, & sic asurgit subtilissimus & summe elasticus spiritus, odoris atque saporis gratissimi.

Retorta vero ideo eligenda est, quum modo una commissura claudenda sit: Nam hic spiritus volatilis & subtilissimus ubique penetrare & avolare annititur.

Hic spiritus non exiguum in praxi medica usum præstat; est enim anodynum, tonicum, carminativum & Bezoardicum in morbis malignis, & in specie purpura, celerrime agit ob volatilitatem, qua gaudet, maximam.

Et hæc sunt, quæ proponere non dubitavi occasione Dissertationis inauguralis clarissimi & Dignissimi artis salutaris Candidati

CHRISTOPHORI FERDINANDI HOELDERI.

Hic lucem adspexit in celeberrima Wurtembergico-Sue-

Suevica civitate, quæ Stuttgardia audit, anno hujus seculi duodecimo. Patre gaudet viro Consultissimo Dn. BENIAMINO BENEDICTO HOELDERO, Regiminis Wurtembergici Secretario, ac Matre, ornatissima foemina, ELISABETHA, Domini CASIMIRI OBRECHTI, ordinis ~~se~~questris ad Nicerum Consulenti celeberrimi, filia. Pietatis, morum, linguarum & studiorum humaniorum fundamenta jecit in Illustri Gymnasio Stuttgardiano, sub moderamine fidelissimorum & clarissimorum præceptorum ac Professorum, Domini DREHERI, VITI WEYNHEIMERI, RIEGERI, LENTILII, simulque a celeberrimo consiliario Wurtembergico D.D. SEEGERO in Anatomicis instructus est. Anno trigesimo primo, parentum consensu, se Tubingam contulit, & a Magnifico t. t. Rectore Dn. CHRISTIANO EBERHARDO WEISMANNO Theologiæ D. & P. P. consummatissimo, in studioforum numerum receptus est. In hoc doctrinarum emporio Mathematicas & Physicas visitavit Scholas celeberrimi CREILINGII & Illustris Consilarii intimi Wurtembergici GEORGII BERNHARDI BULFINGERI; in moralibus vero disciplinis ab ore Dn. P. ROESLERI, & in Metaphysicis Dn. P. MAICHELII pependit. Mente ita & rite instructa, ad salutarem se accingens doctrinam, interfuit Excellentiss. Dn. P. P. ALEXANDRI CAMMERARII recitationibus, quibus institutiones medicas, Physiologiam & rem herbariam explicuit. Postea, ulterius progrediens, Excellentissimum Consiliarium & Archiatrum Wurtembergicum MAVCHAR-TVM in Anatomicis & Chirurgicis, Excellentiss. Dn.

Consi-

Consiliarium & Archiatrum Wurtembergicum ELIAM CAMMERARIUM in Pathologicis & Diæteticis audivit.

Anno trigesimo secundo intimiori traditus est inspectioni Candidatus noster Excellentissimi Consilarii & Archiatri Wurtembergici Dn. IOHANNIS WENDELINI BVLFINGERI, qui cum informavit ad ductum scriptorum Illustr. HOFFMANNI, Hallensis. Anno trigesimo quarto, Salanam nostram salutavit, & a Prorectore t. t. Magnifico Dn. IOHAN. REINHARDO RVSIO, Theologiae D. & P. P. O. consummatissimo, in numerum studioforum fuit receptus.

Hac in musarum sede frequentavit lectiones Magnifici Dn. Prorectoris & Consilarii Aulici HILSCHERI Chemicas, Diæteticas & de methodo praescribendi formulas medicas; Illustris Cons. aulici & archiatri WEDELII de methodo medendi; Illustr. Consilarii Aulici HAMBERGERI Therapevticas; Excellentissimi, nunc Professoris Regii academiae Göttingensis, D. D. SEGNERI recitationes Pathologicas, quorum omnium solidam atque fidelem institutionem pia & grata mente colit. Tandem & mihi se probavit, dum in Collegiis Physicis, Botanicis, Medicinae legalis, Pathologicis, Practicis & Anatomicis assiduum se praebuit auditorem, ac in trium Cadaverum humanorum sectionibus, & demonstrationibus publicis spectatorem diligentissimum.

Confecto studiorum suorum curriculo, dignus utique videbatur, cui ad consueta examina aditus aperiretur, in quibus etiam omnibus spem facultatis abund-

abundanter adimplevit. Restat nunc dissertatio inauguralis de MORBO CASTRENSI EPIDEMICO *ab initio veris anni 1734. ad annum 1735. in castris ad Rhenum & in viciniis grassato*, quam sub Præsidio Magnifici Dn. Prorectoris die VII. Ianuarii defendendam in se suscepit.

Ad hunc actum solennem Magnificum Dn. Ex-Prorectorem, Illustrissimos S. R. I. Comites, Academiae Proceres venerandos, hospites omnium ordinum honoratissimos ac florentissimam generosissimorum & nobilissimorum commilitonum coronam perofficiose & benevole, collegii medici nomine, invito. P. P. Ienæ Festo circumcisionis Christi
M DCC XXXVI.

